

後軍民舍餘敢有故違不務本分生業仍前窩藏淫婦反縱容妻子犯姦就將窩家并本夫奸夫奸婦拿送法司究治袁應之家張席歌唱歌作雜劇事發俱依律問罪照例發落其官校火甲人等亦不許挾讐生事因而妄拿平人誣騙財物事發一体究治如此則法令有常人知警戒矣緣係連言事理及節奉

欽依可行的具奏施行事理未敢擅便具題奉聖旨是欽此

親屬相姦不分成與不成俱問本罪例

成化五年十二月二十四大理寺卿王 等

題為不應事據左寺案呈該刑部廣東清吏司發審犯人劉勉招係錦衣衛士役所搥旗成化五年十月有己故堂叔劉聚今在官妾李氏令姪劉甫成喚勉前去伊家央說日前用銀放有軍糧央討是勉依允劉甫成買酒與勉飲醉因見天色晚就在李氏後房外間宿歇至二更時分是勉明知李氏係小功親妾不合進伊房內炕上將李氏按住要行強姦本婦聲呼勉就吐舌放在李氏口內意圖喜允李氏恨怒將勉舌尖咬落一塊勉害疼痛翻跌炕下次日李氏將情赴通政司告送刑部廣東清吏司等勉聞擬絞罪具本發大理寺審錄為因招情未明及勉不肯服辯駁回再問罪犯李氏發落訖議得劉勉所犯合依強姦認麻以上親之妻者律絞秋後處決審擬合律查得

近該南京刑部山西清吏司問得祁安招係南京馬陽衛舍餘不合要與男婦林氏私姦窺瞰林氏進入佛堂內將李婦擡住推倒搶破中衣林氏喊叫不曾成姦事發本部江西清吏司問擬祁安姦子之婦律斬二次具本發審不肯服辯駁回調送山西清吏司改議比依強姦未成律減等杖一百徒二年照例納料完日隨住係比附律條具本版化五年十月十七日該通政司奏節該奉

聖旨祁安往擬欽此欽遵外臣等伏覲

大明律內一款強姦者絞未成姦者杖一百流三千里又一款若姦總麻以上親及總麻以上親之妻若妻前夫之女及同母異父姊妹者杖一百徒三年強姦者斬若姦從祖祖母姑從祖伯叔母姑從父姊妹母之姊妹及兄弟妻兄弟子妻者各絞強者斬若姦祖父妾伯叔母姑姊妹子孫之婦兄弟之女者各斬妾各減一等強者絞欽此謹詳律意常人相姦則有成姦與未成姦之條惟親屬相姦事干倫理

本條不載未成姦之文法司自洪武永樂年間以來凡問此等囚犯不分和與強成姦與未成姦依本條奏呈絞斬等罪違行已久今查得舊卷內宣德年間十月內該刑部陝西清吏司發審犯人崔興招稱不合將男婦陳氏抱定搶破布視要姦被本婦將興左額受傷搶脫不曾成姦問擬崔興姦子之婦律斬具本發行大理寺審錄本寺按律強姦者絞未成者杖一百流三千里姦子孫之婦者各斬強姦子孫之婦律無載文今崔興欺姦男婦未成姦以前罪等因本年十二月初八日該本寺官奏奉

宣宗皇帝聖旨既是強姦未成姦律打一百發違東充軍欽此正統五年六月內又該行在刑部江西清吏司發審犯張喚喚招稱不合將男婦馬氏強姦不從用手將馬氏頭頸抱住做嘴咬本婦將喚喚下唇咬傷脫走問擬張喚喚姦子之婦律斬本月十日該本寺卿王冕等奏節該奉



英宗皇帝聖旨張喚喚依律欽此正統八年五月內又該刑部河南司發遣犯人審議招稱不合將姪婦李氏強姦不從讓意要求紅將台出入李氏口內被咬下舌尖一塊不曾成姦數間擬審議強姦無父子妻律斬

本月初七日該本寺左少卿薛昌等奏節奉

英宗皇帝聖旨審議依律欽此正統十年六月內又該刑部四川清吏司發遣犯人

裴成招稱不合將男婦吳氏按住要行強姦被本婦耳聞用手將

成肚臍下抓破不曾成姦數間擬審議裴成姦子之婦律斬該本寺卿

俞仕悅等查照宣德年間

欽斷姦子之婦犯入崔興充軍事例奏奉

英宗皇帝聖旨日裴成依姦子之婦律欽此正統十年六月內又該刑部浙江清吏司發

遣犯人裴成招稱不合將姪婦李氏底衣搶破要行強姦李氏將敬

兩臉抓破咬賊不曾成姦數間議裴成強姦兄弟子妻律斬本月十六

日該本寺卿俞士悅等奏奉

英宗皇帝聖旨朱敬依律欽此本年九月內又該刑部雲南司發遣犯人

夏繼宗招稱不合強抱義男夏阿得妻顧氏要行將舌尖送

在顧氏口內被本婦咬下舌尖一塊不曾成姦數間擬夏繼宗比

依強姦總麻以上親律斬該本寺卿俞士悅等看得夏阿得

年十四歲過房與夏繼宗為義男今姦伊妻律無正條合無

比依姦姦總麻親論斷惟照比依雇工人發落等因奏奉

英宗皇帝聖旨夏繼宗既過房子已長大不為例饒死打一百枷釘通妻

小發口外衛分充軍但逃不饒夏阿得并妻著歸宗今後犯

姦義子妻的只查照洪武永樂年間問斷例行欽此以後法

司凡問前項因犯悉依親屬相姦條內科斷今南京刑部所犯

祁安比張喚喚等所犯相同擬罪各別奏照祁安強姦姦子婦

雖未成奸絕滅倫理敗壞風俗罪在十惡比先夏繼宗強姦姦

義男之婦未成尚擬斬罪見今劉勉強姦姦堂叔之妻未成亦

坐絞罪其祁安姦親男之妻未成却依常人強姦未成律止坐徒罪查照先年問過前項因犯未嘗似此擬斷不無有乖律意況兩京法司問囚輕重不倫法不歸一人難遵守合無得移

南京刑部大理寺再將祁安查問明白徑自具

奏定奪仍行內外問刑衙門今後問擬此等囚犯悉遵洪武永樂年間以來問斷成法不分成姦與未成姦俱依親屬相姦本條科斷不許妄自更改庶得事体歸一刑法適中緣祁安該南京大理寺奏奉

欽依准擬事理及今劉勉係重刑未敢擅便具題奉

聖旨是劉勉依律祁安著再問擬未欽此

親屬相姦不分成與未成依律問擬死罪仍將未成緣由奏

請

一件陳言事成化六年四月內南京大理寺卿夏時正等奏該

刑部等衙門尚書等官陸等題

往今後法司問擬親屬相姦囚犯務要推究真情不分成與未成俱依律

擬議絞斬罪名仍將未成緣由奏

請定奪